

**«ҚазМұнайГаз» ҰК АҚ алкоголь, есірткі құралдары,
психотроптық заттар және олардың аналогтарына қатысты саясаты**

«ҚазМұнайГаз» ҰК АҚ және еншілес пен тәуелді ұйымдары (бұдан әрі – Компания) қызметкерлердің өмірі мен денсаулығын сақтауға өзінің жауапкершілігін сезінуде және алкогольді, есірткі құралдарын, психотроптық заттар мен олардың аналогтарын пайдалануды болғызбайтын еңбектің қауіпсіз жағдайларын қолдауға ұмтылуда.

Компания алкогольді, есірткі құралдарын, психотроптық заттарды және олардың аналогтарын пайдалануға қатысты мүлдем төзбеу қағидатын ұстанады.

Осы Саясатты іске асыру үшін Компания басшылығы ол орындайтын және мердігерлік ұйымдар олардың орындалуын талап ететін мынадай міндеттемелерді өзіне қабылдайды:

1. Алкоголь, есірткі құралдары, психотроптық заттар мен олардың аналогтарын пайдалануды бақылауға қатысты Қазақстан Республикасы заңнамасының талаптарын, денсаулықты сақтау саласындағы ішкі құжаттарды сақтауды.

2. Салауатты өмір салты және алкоголь, есірткі құралдары, психотроптық заттар мен олардың аналогтарынан бас тартуға қатысты жоғары басшылықтың көшбасшылығы мен бейілділігін көрсетуді.

3. Қызметкерлерді салауатты өмір салты мәдениетін дамытуға белсенді тарту және көтермелеу және Компанияның салауатты бағдарламалары мен бастамаларына қатысу.

4. Компания қызметкерлеріне денсаулық үшін алкоголь, есірткі құралдары, психотроптық заттар мен олардың аналогтарын пайдаланудың зияны және тәуекелдері туралы хабардар болуын арттыру.

5. Қызметкерлердің еңбек (қызметтік) міндеттерін орындау кезінде, оның ішінде Компанияның өндірістік объектілерін тыс жерлерде болған кезде алкоголь, есірткі құралдары, психотроптық заттар мен олардың аналогтарын пайдалану мүмкіндігінің тәуекелдерін мейлінше азайту.

6. Ауысым алды/рейс алды/ауысымнан кейінгі/рейстен кейінгі медициналық тексерулердің, оның ішінде қызметкердің алкоголь, есірткі құралдары, психотроптық заттар мен олардың аналогтарын пайдалану белгілерінің бар немесе жоқ екендігін анықтау немесе растау мақсатында міндетті жүргізілуін қамтамасыз ету.

7. Компанияның өндірістік объектілерінде Компанияның, мердігерлік ұйымдардың қызметкерлерімен және өзге де тұлғалардың алкоголь, есірткі құралдары, психотроптық заттар және олардың аналогтарының әсерінде болу жағдайларын болдырмау.

8. Қажет болған кезде қызметкерді не Компанияның мүддесінде әрекет ететін өзге тұлғаны осыларды пайдалану күдігі болған жағдайда, сондай-ақ өндірістегі кез келген аварияларда немесе жазатайым жағдайларда алкогольді, есірткі құралдарын, психотроптық заттар мен олардың аналогтарын пайдалану фактісін анықтау үшін кезектен тыс тексеруге белгіленген тәртіппен дереу жіберу.

9. Қызметкерді немесе Компанияның мүддесінде әрекет ететін өзге тұлғаны осы Саясаттың ережелерін бұзғаны үшін еңбек шартын бұзуға дейінгі жауапкершілікке тарту.

10. Компания қызметкерлерінің денсаулық жағдайын жедел талдау (тестілеу) жүзеге асыруға мүмкіндік беретін медициналық диагностика жүйесі мен зерттеулерді автоматтандыру және цифрландыру саласында үздік әлемдік практикалар мен ғылыми әзірлемелерді енгізу.

Осы Саясатта берілген міндеттемелер денсаулықты сақтау саласындағы мақсатты анықтау үшін негіз болып табылады, Компанияға, мердігерлік ұйымдарға, қызметтердің өнім берушілеріне таратылады және серіктестермен Компанияның іскерлік қарым-қатынастар жүйесіне енгізіледі.

Компания басшылығы осы Саясатты іске асыру үшін барлық қажетті ресурстардың ұсынылуына жауапты болады.

Осы саясатты «ҚазМұнайГаз» ҰК АҚ еншілес және тәуелді ұйымдарының қолдануы белгіленген тәртіппен ұқсас саясатты әзірлеу және бекіту немесе ұйымдардың ішкі құжаттарын осы Саясатқа сәйкес келтіру жолымен жүзеге асырылады.